

崇百藥齋文集

崇百藥齋文集第十一

陽湖陸繼輅祁孫

餐木集一

爲趙青州丈

懷玉

校定詩集題後

幾輩頽唐不自持
幢名精進最堪思
試從東郡趨庭作
讀到夔州以後詩

贈族子鏞

束髮弄筆硯
早受吾兄知
吾兄老廣文
三絕書畫詩
祝我勝元方
愛我逾衮師
孤兒擅文譽
兄也實倡之
自兄成進士
踪跡始乖離
兄旣一袍繫
我更秋蓬飛
依人二十載
綠髩見素絲
憐兄負經濟
淹忽不及施
吾宗值中

落大廈誰與支習聞餘慶說驗否或差池雖然久不振
盛衰會有時佳兒跡弛材不介輒已馳絕塵乃知返尙
德矧未遲何由徵今詣但覺悟昨非才士豈無行吉人
恒寡辭惟於風雨夕欸欸舒衿期每憤風俗媮家庭氣
澆漓飛慚脊令鳥植媿荆樹枝竊欲挽使淳惜無墳應
篋風流悲頓盡斷雁嗟何依與爾齒相若弟畜不復疑
貌恭詎所尙志篤終不移我有同產子謂耀少小讓棗
梨其才亦清放懷抱含芳菲策蹇遊西秦幕府三年棲
苦言故鄉樂未忍妻孥飢索居鎮鬱鬱終歲長相思見
爾諒足慰念彼仍歔歔何時得躬耕我鋤爾則犁高吟
互酬荅濁酒相娛嬉安能別行輩損我情怡怡此願固

難遂此約期堅持庶幾抱遺經猶得次第治鄰里誠見
推取法請在茲

早起戲示彭城君

殘香未燼月如煙無賴春禽喚早眠偏是不堪畱到曉
借人書籍典衣錢

戲代彭城君答

半堪慰藉半堪憐客裏韶光感去年榆莢漸飄荷葉小
也應拚費買春錢

卽事戲簡劉編修

春來米價如餐玉病後文思尙湧泉誰似劉郎最解事
替人催送作碑錢

古意戲簡管大

貽荊

林下分明見謝娘
腰肢穩稱藕絲裳
天生國色從人看
不向菱花炫曉粧

乍說無雙亦自疑
偏教衆女譽蛾眉
飛璫尙作傳言婢
不到瑤池那得知

一枝冠絕六宮春
猶自添衣顧影頻
粉黛三千從妒盡
也應無奈負薪人

荔生爲三女寫生絕工
余索畫三年矣轉不可得
詩以促之

左家嬌女嬌無奈
裁紈索畫如索債
阿兄嬾散天下無
下筆忽如風雨快
并刀剪取紅薔薇
枝上分明連茸靄

是時壓架開正繭翻覺真花無此態堆牀絹素高連屋
日久都忘誰所巧方期乘興償舊逋忽已自言今日憊
賞音不惜千萬彈能事徒嚴促迫戒若使施嬌待寫真
鏡中凋盡雙眉翠我代花王下急符兼爲竹君謀薄醉
飲酣一揮十萬枝不放春光出世界

春陰排悶分貽里中諸子

解玉虛傳玉女沙三生詩骨本如花幾人編集題長慶
遲爾裁牋報任華醉後青萍橫薄怒春來紅豆護新芽
拚教折盡垂垂柳那有長條繫日車

周孝廉儀暉

謝庭早聽鳳鵲聲玉署珠江愴別情敢向畏之稱執友
漫將無忌比名甥書兼道藏連宵注詩襍仙謠向曉成

斫却月中青檜影此時心地最憐卿

董明經士錫

繡佛絲連乞巧鉞香羅拋散紫團菱直教楚竹條條束
未了吳綾幅幅唵鏡檻塵生迷曉黛燭房焰小觸橫琴
如何一掬樊南淚漲作春潮爾許深

管孝廉貽莊時方持婦服

回首高陽感舊遊十三身襲醉鄉侯未須貝齒誇方朔
多恐鳶肩誤馬周賣賦錢空餘綵筆上書人老惜征裘
何如穩臥滄江好斗酒猶堪與婦謀

吳秀才繼照

曲曲屏風護曉雲瑣窗拓處見斜曛釵鸞低壓來禽帖
衣麝濃沾辟蠹芸偶借鴛鴦徵玉筍本來蝴蝶是仙裙
名園歸隱平生夢只把春愁屬司勳

崔上舍曾益井悼其婦翁莊郡丞達

吉

同時我識三公子東閣論交汝最深水厄不辭攜月飲
歲荒虛抱指困心每看白菊傷前度欲改朱絃負賞音
休更八分誇阿買金鑾餘痛亦沾襟

洪上舍符孫

湖海相看氣漸降似君才調定無雙一畦殘雪埋仙蛻

時爲莊君
曾儀營葬

半畝荒園駐佛幢賦罷柳枝瑤玉管迎來桃

葉木蘭艘只應難解

巴童怨貰酒頻驚隔巷尢

管上舍
繩萊方

倡率里人設粥賑饑故
用佛在給孤獨園事

德門餘慶是耶非煮字由來不療饑何物老奴瞋後至

謾勞術士語先幾青氈自壓將穿硯黃竹空藏待嫁衣

易得感恩吾未信如君知己詎全稀

張明經若曾

立夏前一日過董十九話別因賦七韻

舞鶴思風高棲猿戀穴僻相逢值煙蘿期與久松柏纓
綏知未免川原固無迫縱情方在茲歡悰亦成昔行期
屢見更故鄉已如客及此一日春沈醉詎所惜欲譚未
敢深重勞念今夕

過張布衣

引孫

見庭中白玫瑰花盛開感賦

丹邱真人璫玉節飄墮銀河化成雪臙脂狼藉人間春
盡掃紅霞見寒月可憐天上張公子泣竹噓蘭作花史
東皇吹倦鼠姑風絳砂仍是麻姑米一枝乞我瑤華音
知君與我同素心水仙一曲劇矜惜霜娥冰淚流盈衿
紗籠如煙露華重羅浮未是牽情夢向曉幽香更不勝
手拓文窗招白鳳

重有感

高飛悔附鴈南翔可許分棲瑋瑁梁恥見要人顏竣貴
毋多酌我次公狂向來涇渭差堪別從此恩讎恐費防
荃化也知無足惜且須著意護蘭芳

暮仙謠

元洲班班旋紫雲靈眸絕朗坐當春九龍不吟太華碧
方響一擊趨羣真修眉雙翦瑤池綠百疊單綃圖石竹
釵頭翠鳳飛向誰鸞笙誤倚排空曲虬膏息焰冰蟾起
卅六閒房寂如水甲煎偏燒隔院香風絃似觸橫窗几
人間晝短仙漏長帆迴水遠斷人腸畱將鳳紙千行字
待轉橫波一響光

魏大襄歸自洛陽話舊有作

拜母仍前度爲君啟寢門乍驚圖畫在旋憶笑言溫座

鏡窺新鬢花磁撫舊罇餘生如夢寐相對一聲吞

往歲正同病遙遙千里情返真仙境在君病中魂遊至一道院署曰仙

長仙公仙吏棲真之所聞吟聲甚狎入視乃余也出險世緣輕小倚憐鄉樹間

行愛晚晴明朝北門外攜酒酌龔生錢大申甫與余同病都門北已歸葬

風鶴驚心日軍行值歲荒急須銷響應何計集流亡從

此樽無緣頻看鬢有霜淮陽方臥病一面是誰當時河南太

守齊君方抱病

遺愛君長在吾行亦大難人情中土厚別緒故鄉看遞

淚銷紅燭移根護紫蘭如尋舊題句煙墨未應殘

鳥聲

窗外鳥聲千種好向曉聽來似聽琴此時却話巴山雨
不覺重傷灞岸心日永且宜勤寫韻歲荒那便廢高吟
浮榮正恐關卿慮人海波濤一望深

牙籌

辛苦牙籌二十年安豐晚節信堪憐可知血氣方剛日
百萬曾經却賄錢

斷炊戲示彭城君

苦說江鄉且住佳背人幾度拔金釵明朝好是庚申日
數典先徵瑋瑁齋

題荔生寫生

芳艸閒庭日又斜
年年寂寂送春華
可無漢上攀條淚
來染江南沒骨花
小劫勉畱風外影
他時誰護壁間紗
何心更與誇雙絕
如此流光定可嗟

崔公子

曾益

楷書歌

崔郎楷書妙入神
氣挾秋肅無春溫
團團紈扇月滿輪
中結方陣排勾陳
層臺複閣圍重闔
井九百畝田初耘
一縱一橫經界均
締視不見烏絲痕
直內方外象取坤
玉盃置水波粼粼
細于瑟瑟拋輕塵
徐察翠羽數錦鱗
粲乎隱隱含嶙峋
各具柳骨兼顏筋
心正筆正何斷斷
書貴瘦硬古有云
猗嗟此技應無倫
俗體綺麗不足珍
競尙塗澤嗤貞醇
譬若滿堂多美人
歌脣舞態嬌陽春

伊誰後至行逡巡默然不笑亦不顰偶迴一盼搖心魂
君窺此祕勿與羣矜重始覺夫人尊使我愛玩連朝昏
毀方爲圓俗乃淪蒸梨規竹徒紛紛鷹鷂斂翼如鷗馴
孰司揚激清清渾私慮豈獨區區文因君此書氣節振
起衰當策昌黎勲我詩雖愧唐王孫懷素一歌非厥真
最哉崔郎專且勤行將對策登南薰小或封事大贊綸
側媚豈敢達

紫宸人如其書兩不磷委蛇俯仰
帝所瞋

題包十五畫扇戲五用錢字韻

時復自白門
移居邗上

春江如鏡布帆便見說新居又一遷怪底年來耽作畫

畫中山好不須錢

過憚二

秉怡作

晏公祠前水拍隄隄邊竹樹稱幽棲寫罷富春山一角
朝陽纔上小樓西

管大

繩萊

得一七首有文曰食人感而有作

管生示我一七首其柄有銘曰食人人是何物供汝飽
觀之使我感歎頻豈無豺狼伏山谷亦有狐兔潛荆榛
是皆貪殘不可蓄汝能除之惟汝欲大河以北秋蝗飛
大江以南甘澤稀幸逃皮骨填凍壑敢望肌肉回春肥
渴虹下垂吸不得熱血久已消瘡痍管生三十著書早
學劍不成亦大好方期宦達作霖雨豈屑睚眦入懷抱

君不見寶器顯晦各有時如今廟堂重鼎彝
餓乏食慎勿怨主人誦經方忍饑

送洪大

節孫

之官東湖

十五共君學相期在刪述四十乃作吏始願詎所屑
內行權自操外遇理難必苟以實心爲功皆可及物校士
得誰某修書成幾帙浮沉翰苑中例得至顯秩君子任
其難官卑敢云屈撫字固宜勤獲上亦有術偏徇非通
才毋言臣力竭

彝陵本屬州東湖今郡治持較歐陽公事已判難易況
經邪說煽民或未知義遂疑良苗生必先惡草薶元成
漢業衰讀史懷酷吏方今際

昌期何乃爲其次勿慮教化難信道或未摯早誦先聖書一一行可試惜哉見異遷常譚久捐棄

同學洛

李鳳臺

與襄

魏洛陽

吏才夙所歎任事無旁撓眉宇

見精悍君性稍和緩亦頗矜獨斷吾意師一心未若集衆善束髮攻辭章君尤樂譏彈爲政寧不然定文例可援非云按牘旁左右得闕觀

俗吏非所甘他事苦無暇終日勤簿書甚或繼以夜道齊誠有方虞詐自悉化訟庭春草長餘晷正堪借先公勤著書初稿尙滿架亦有故人子子子待婚嫁名山攝屐登佳士倒屣迓何必屏絲竹兼可習騎射誰云宦海深清流一法瀉

宛宛同源魚依依一林鳥學術無歧趨昏嫺期永好雨
家堂上親時時互懷抱豈知不寧風曾未待衰老君今
雖得官捧檄苦非早吾行負神明遺禍及襁褓君以先
人故未忍禮經考迎葬先塋旁哀哉新鬼小

知交集京華贈言爛盈軸就中金

金孝廉

與徐

徐通政準宜

古

誼一何篤非徒和歌難言盡無可續何用送君行但有
淚堪掬差喜水程逸順風一帆速鬱鬱宜都城行將訪
先躅餐我絳雪英飲我湘波綠

效香山自吟拙什因有所懷一首

遊倦戀鄉里感此春日遲朝餐旣得飽徐行遂忘疲還
坐展牋素欣然成一詩我詩雖不工頗異月露詞妻女

有同好迂濶不我嗤稍恨比興指未能悉相知樂天昔
有作往往懷微之早持淨名經豈爲標榜私以我素居
感驗子獨吟時互証行可待毋使古音稀

贈鶯次野史亭舊韻

園居僻無鄰禽巢若對宇昏旦有常度相與共興處黃
鶯不恒至矜重逾靜女乍聞一聲囀急起窺眉嫵徐徐
展疎簾翩翩忽高舉平視意已瞋敢望接絮語何因被
絃管名字喧樂府全用元句得毋悔集穀歸思含激楚當風
揚玉聲顧影惜金縷幽谷詎所安喬林正堪數徒云避
網羅應已棄儔侶緬懷山梁遊時哉願師汝

得劉兵備

大觀

見懷詩一年矣暇日繙閱及之惻

然有作

去年初夏得公詩匝歲方驚作答遲疎雨灑窗人病夜

狂塵如霧夢醒時一舟滿載悲秋淚

病後於七月中萬由水程南下

口空傳下第詞此日閉門堪告慰更生又盡酒千巵

首夏臥病因與彭城君述去年京寓病緒口占五

十韻

芒種初逢壬濕熱中肌腠土苑木易乘煩懣連兩晝山
妻意屏營訝我顏面瘦消食宜檳榔導氣資荳蔻有病
斯病當所指亦非謬終慮操之蹙藥力太馳驟不如姑
少安元氣當自復因招使來前感君意良厚此疾未足
憂遣悶聊話舊去年當此際厥狀幸未覲初疑壓層冰

作氣尙一吼繼乃投洪鑪無力更呼救銳于引錐刺灼
若團艾灸人靜轉厭喧晴窗瀉檐溜燭滅反有覩空帳
懸列宿枯魚方索肆雛禽忽離殼冥然遂無知重衾類
空覆或繙治聾方或誦天眼呪招魂健登屋逐鬼怒開
竇紙鏹飄秦灰殊符雜漢籀就中兩同學楊大令傳榮
謝孝廉迴
去每衆賓後檢點及著述商略到榔櫃驗以來復期如
是七日又惻惻脫獄囚茫茫出阱獸漸覺形神井苦嫌
皮肉臭轉側骨尙僵爬搔爪盈垢悽悽對殘膏迢迢怨
長漏心知藥勝揭車馬正填奏客來強相賀更生寶神
佑我亦微領之免死荷特宥令弟錢孝廉
相初聯徵車宣南
一椽僥其病更可駭狂叫似索鬪適聞當戶歌旋見棄

衣走我甫一息存渠已七尺仆斯時客中心何止集萬
穀張子琦習靈素神哉殆天授呻吟對榻初同邀病源
究一生而一死察如辨左右浮生多疾苦甚者促年壽
禍福豈在茲俗見毋乃陋平生張惠與莊曾修德宜獲
祐我齒行過之觀河從面皺卽今杜門居何事足憊
晝永溫舊書歲儉節醇酎于人既無爭得天洵已富胸
中五嶽平窗外一藂秀何以答清和明當出觀耨山妻
聽我語淚落還如豆達觀信可尙出險幸無狃慎葆金
石堅永與松柏茂

九日莊邠州外兄招遊城東諸寺因小飲舟中酒
間戲作

珍重江鄉酒一樽卅年前事聽重論幾人歸杖如公穩

扶罷桐孫又稻孫

兄兩孫銓錯從遊

平生花月醉千場肘後慵繙辟穀方忽攬菱花笑王母

蛾眉蕭颯似秋霜

兄年八十一兩眉皆皓白今忽變黑

艤舟亭外日初斜遙指浮圖興轉賒無數紅裙圍白髮

一翎濃翠艷于花

姚二

宴

自都門歸吳興過訪荒園話舊有作

風雨正愁寂欵門來故人乍覺浮雲開見此月一輪參

同仙客元關啟吳質秋心亦成綺周郎顧曲漸無心忽

聽歌聲繞梁起

謂曾容山子伯恬

異時我客春明春少年花骨

爭嶙峋萬錢未下左相箸十丈敢污元規塵櫻桃芍藥

花開遍槐柳森然不曾見醉把金鞭叱浪仙馬蹄讓我
馳輕電艷夢如雲逐曉飛綠陰空訂再來期當筵意氣
消雄辨倚檻心情付小詞君今三十差應勝相逢亦減
年時興自束奇才校六經言歸故宅荒三徑扁舟如葉
泊江干握手無端集百端却憶西山橫暮靄一峰殘雪
不勝寒

先師楊先生

峴谷

種松采蘭遺像爲公子

近勇作

種松向北芒松小無遠枝漑以孝子淚鬱此雲霄姿采
蘭循南陔蘭弱不盈筐薰以孝子德蓄此懷袖香孝子
事親旣從親歸北芒孝子更有子攀條淚沾裳陔蘭枯
益榮敬爲慈母祥慈母千曼壽彌驗世德臧小子孝子

徒十四受禮經粗知定省節再痛風不寧嚴霜摧靈萱
梁木亦已傾知我舊來意獨有一燈檠暉暉五夜光消
滔六代文往往荷奇譽傳以娛偏親夢奠值廢業哀思
苦未申祥琴調已久心喪復何論縱遂築室願言歸及
茲辰所望二三子早建房杜勲明明遺訓在曷間沒與
存仕成告邱墓庶慰文中魂

有悟

誰寫蒼茫獨立圖披圖乍覺此身孤石崇樓畔田橫島
魂到重泉見得無

春雨

春雨鎮淒淒春愁夢不迷終宵聽布穀哀過秭歸啼

答盛五

思本

白髮緣愁幾許長
煙濃霧重送年芳
此時拚與垂簾坐
只有人間盛孝章

簡周大

儀聯

經旬不見周公瑾
聽說荒廚又斷煙
誰識夜窗騰寶氣
左龍右虎護吟箋

積雨臥疴口占贈婦

同室先疑似夜臺
風聲差少白楊哀
一春病以禁寒重
千里書因索負來
客說相思偏易去
天如欲殺又憐才
祇卿眉黛朝朝鎖
遙與濃雲掃不開

戒飲心情已可憐
不堪禁例到殘編
光憑晝燭當晴日

藥爲荒厨續斷煙片刻煩冤休訴佛一溪惆悵誤成仙
傷離傷逝千行淚始惜輕揮損少年

竹寂絲沉愴謝庭柳花如雪忍重經奩中剩有同心佩
座右虛貽守口銘負汝橫波空一世折人庸福是雙星
而今小覺槐陰夢贏得鐘聲並枕聽

病緒離懷自較量浮生歲月總飛揚分衾互覆三更雨
煮菜同挑一院霜比翼人拚鵬翮鍛癡心猶望燕雛將
天恩止此無多乞怪煞庸奴願易償

趙通判

廷俊

招飲小病未赴因簡莊邠州兄暨座

中諸子

江村風景未全訛兩度春筵柰病何

前公燕邠州亦以病未與吉夢

空占宜酒食哀情漸欲廢絃歌春來連得陳古華伊墨卿楊蓉裳之赴縱

橫藥裹連璫管斷續花鈴誤玉珂一老倚樓同悵惘趙

州文病亦未愈不知誰聽雨聲多

吟牋觸手惜年芳伯恬小松孝佚並有餞春之作況復忽忽是別觴小松

孝佚仲遷俱有遠行竹影搖風知易醉柳花禁雨未能狂李謨長

笛吹新霽謂項四桃葉輕帆帶夕陽我似輞川詩有畫不

須樂意問蒙莊

送崔公子北行次周大韻

去是愁中住病中亂揮別淚向東風寒雅傲汝雙棲穩
生馬憑誰一顧空芳草驚心衫袖碧畫樓回首燭花紅
燒春遲我同豪飲羊炙堆盤擘嫩蔥

斷酒三月矣偶飲數杯陶然欲醉再次前韻

一度春歸酒一中何心仍怨落花風注完靈素文辭少
讀罷華嚴富貴空新月窺牆蛾影綠舞衣曳地燕衿紅
珠胎計日交龍虎未擬裁紈佩鹿蔥

劉主簿

叔重

自秦中乞假歸出古錢見貽作此報

謝

恩恩仕隱兩無成榆莢重飄愴別情長物乍疑先世選
歸囊拚爲故人傾不言未便稱高士有癖都能累此生
我亦年來慵著論典裘且與醉春晴

偶感

黨牛怨李彼何人毀譽悠悠總未真槐柳眼看前度列

椒蘭心憶舊時春
讀詩可待刪蒙楚
作論如聞擬過秦
珍重中郎他日淚
莫教鷗性竟全馴

病起

琴書粗整鳥聲催
手拓文窗向日開
一握新霜扶竹立
半庭濃綠擁潮來
還因攪夢瞋檐鋏
漸有閒情到酒杯
急語故人知病起
我詩無識不須猜

喪並有和章慰勉之意奉牽甚厚

寄蔡郎中

鑒揚

深杯珍重慰萍飄
鄉思春愁次第銷
老馬衝泥頻送客
疎簾待月又連宵
一官冰冷懷三徑
十卷詩成冠六朝
我亦嘔心渾不悔
有人端冕聽咸韶

寄董編修國華

昔年未識江都相先寄靈萱頌一篇

先慈七十壽熱君偕李君福先寄祝

辭作傳尙期中壘筆定交已著祖生鞭詩多諷諭饒秋

氣官稱清寒愛日邊分宅劉郎詢好在

劉編修嗣緒假滿入都住君廨

舍桃花可復似從前

見說

見說精藍七寶裝六朝花雨尙餘香快酬恩怨思兜率
細較華嚴建道場地獄豈應留傅奕鬼兵久已誤王郎
化雕正有波旬幻莫漫高居恃法王

雨止見月

簾絲闌柱費摩挲一度圓光暗裏過玉宇無塵秋氣近

銀河如帶使星多
新算作意凌高樹
怪石全身被女蘿
苦憶幽蘭禁雨久
空山病葉奈春何

題屠二

洲

青山歸趣圖次章兼訊淮上故人

青山橋下水珍重
浣塵容不是出遊數
那知歸興濃依
依大堤柳鬱鬱
墓門松幾日又當去
征衣縫未縫

踏歌勞送別

謂君所主
正員外

飄泊十年心戰壘
河陽雪哀絃

燕市琴羣公關聚散
賤子悟升沉
認取車前笠
重聽醉
後吟

肝病向瘡贈中表鄒八處士

謝

我驅六甲役六丁
胸中五嶽期全平
還丹九轉爐火青
琴心三疊大道成
忽然左腋金蛇明
鍊丸騰躍聲錚錚

尚方願乞朱雲劒南越急請終軍纓時清政肅安用此
狂疾種種難爲名張弓射蔣濟掘冢讎顧榮平生報怨
薄孝直胡乃遷怒儕袁生始知道力鴻毛輕輪囷肝膽
橫庚庚健兒呼來作書記戰馬叱使供春耕當時豈免
受束縛四顧不覺悲填膺鄒君靜者閒于僧一笑爲我
通滄滄灑以銅仙之甘露沃以玉壺之清冰使我內視
生光瑩心旌不動禪關扁浮生底事足嗔怪靈臺自擾
非三彭招提五夜疎鐘清不學劉琨起舞聽雞鳴貝多
片葉書金經何必典韋雙戟揮縱橫竭膏炫玉惜夭枉
那更幽憂孤憤搖吾精愁吟鵬鳥賦鸚鵡瓊花一昔罡
風傾夷叔太自苦巷伯亦過情青牛老子最頑鈍至今

白髮垂髯髻誠知奇骨還大地且復小炷畱寒鐙或返
兜率棲蓬瀛時至自有遙天笙鶴來相迎鄒君歎息君
果能我歸爲君焚素靈

論醫一首再贈鄒處士

吾儕手無尺寸柄惟有醫學能濟人伯陽仲景皆我友
魏洛陽襄鄒君後起尤精純方今此學最凋敝其故約
張孝廉琦略吾能云素靈聲牙苦難讀誤文錯簡因陳陳毫釐之
差謬千里誰識所受非其真俗工謀食在速化如以政
學古未聞干夫盈庭互諾唯深池瞎馬行逡巡雅知修
短事關數待彼自愈成吾勲有時蹉跌不任咎功無與
並謗乃分病家覆按方具在亦覺藥品含清醇豈知醫

學通治道一士謬謬支乾坤誤國何必大姦慝敗壞往
往由庸臣鄒君弱冠悟通塞唾棄帖括如浮塵殷然慎
擇活人術志與良相同經綸玉函金匱資校正牛溲馬
勃歸陶甄願書康樂佐醲化忍令疫癘天斯民朝餐未
炊斂蓬戶徒步竟往辭華輪察聲辨色意欸欸操管仲
紙神閭閭芴連沃冰雪椒桂回陽春徙薪曲突人不覺
弱腕百斛扛龍文年來我抱幽憂疾四十學道猶紛紜
感君手爲破塊壘龍交虎會馴乎馴祇憐培此不材木
奚取上壽儕靈椿期君絕藝起顏冉因賢論賞圖麒麟
與魏大論玉溪生詩作

天與陳王八斗才洛神一賦鎮疑猜守宮點臂斑斑在

卻聽鄰牆細雨來

悼亡感遇不勝情錦瑟無端錄小名一自雞鳴詩註誤
衝泥都作狹斜行

森然槐柳綠陰稠客自凝愁伎莫愁試向士開門外過
一篇應解富平侯

枉負人間薄倖名偶然豪語快平生彥昇縱有封侯骨
未到蕭公作騎兵

眼看河朔感淮西我識韓碑是借題苦憶聖皇兼聖相
不關文字重昌黎

牙旗玉帳儘淹畱可惜涇原據上游莫漫相輕齊贅婿
少年虛抱賈生憂

恩恩殉國未分明冤獄千秋最不平只有詩人能慟哭
忍隨壽燕聽咸英

奕世賢妃又姓楊一枝湘竹淚千行開元遺事分明在
值爲羅衣斷客腸

知己虛懸千歲期偶拈藥轉到今疑腐儒那有佳人慧
儘把燕臺付柳枝

哭陳辰州

廷慶

送我初三邗上月逢君十八滬江潮當時祇覺歡場易
此日方驚別路遙甥館畫眉憐晚霽妓牀調息坐中宵
吟魂鎮有湖山樂煙水蒼茫不可招

君病歿杭
州廨舍

楊先生

倫

詩集刊成感題二絕句

冰玉當年冠一時冬郎十歲正裁詩曇花舊恨重根觸

腸斷香山哭女辭

集中哭珂女詩
卽繼緒聘婦

文通十卷訂初成衛氏簪花寫最精

謂外姑
孫夫人

今日乍題

遺集字殘燈掩淚看分明

述夢簡魏洛陽

似憑夢影慰離情夢醒重教淚雨傾地下故人顏轉少
車前老僕健如生托孤遠媿朱文季傷逝虛傳陸士衡
且欲與君勤握手華年回首已心驚

答魏洛陽

美人香草竟何憑箋注空勞次第增漫以微詞疑宋玉
久因妄語薄王澄相思乍送殘秋燕盛怒難驅向曉蠅

說與中郎應絕倒更無餘事可填膺

頻年多病歸咎麴生斷飲者屢矣魏洛陽同年勸
余開戒並以家釀見貽欣然有作

醉鄉吾別久風景記分明最有煙霞意羌無寵辱驚何
因成怨府祇自築愁城悔過幸非晚從君尋舊盟
自我交公瑾醇醪任意傾還因一樽酒回憶十年情難
得故鄉住況逢久雨晴明朝定相訪已覺病懷輕

校定盛方伯

惇崇

詩集竟題後並簡三公子

鍾書荀畫兩無儔回首香山感別愁此集應堪繼高適

君早直樞庭無暇述
作出守後始存詩

當時我已諾君遊

癸酉冬遇君洛
下酒間戲言他

日以詩集爲囑並出書畫
贈別時予逡巡未敢應也

十年方獄貧如水五字微雲

淡入秋他日商量作佳傳循良文苑聽誰收

贈劉大 叔重

劉郎熱血灑無處百賦千詩猶鬱怒徒言彫琢愁肝腎
世醫那得知其故稽首皈依大藥王洪爐一昔傾元霜
融精鍊液方寸七服之竟體芳蘭芳丹砂氣薄都非舊
老葛辭官罷句漏征衣未脫來歛門訝我山居顏面瘦
凌晨貽我字數行云是白兔所搗之藥方一飲祛煩炎
再飲生清涼荔漿荷露薄無質瑤草瓊芝靜有香人生
壽命應難競所惜華年祇供病責頭聊反子羽文擁鼻
虛吟洛生詠方今劇賊雖已除餘孽往往稽
天誅何當腰弓跨生馬盡搏狡兔殲妖狐歸來痛飲穹

廬下芳草芊緜正堪藉健兒輕俊喚吹笳秦孃媚嬖工
行炙安能養疴鬱鬱長杜門愛護樗櫟同靈椿若教列
種白楊樹庭院久已成秋墳劉郎聞此意慷慨熱血如
泉又欲噴

舒孝廉

位

病歿吳門詩以哭之

風雲蕭槭不勝哀又報人間失艷才

時爲位哭蓉裳丈甫數日

哭爾

恨無珠作淚奠君除借月爲柩何因死傍要離豕剩有
魂歸郭隗臺我意邗溝差可葬瓊花移向墓門栽

五禽言寄劉大

嗣緒

泥滑滑送君行屐齒折鄉思生

行不得也哥哥天寒日暮柰何日暮能歸亦大好坐待

中庭月輪皎

不如歸去但歸勿慮大河一舟何必爭渡

提壺盧提壺盧君今不飲胡爲乎勸君能飲直須醉不
醉何因得成寐

得過且過羽毛摧挫碧雞錦雉毛羽豐羅張網布春田
中

嫁夫詞

座客無可娛聽我歌嫁夫嫁夫不嫁朱翁子嫁夫不嫁
孫伯符妾顏將衰君不貴妾髻方盛君先殂丈夫遇合
各有時妾心怨早復怨遲安得三十年長沙王妃更三
十年會稽太守妻女兒嫁夫不須啼由來食宿分東西

嫁夫不嫁蘇屬國匈奴一去何時還嫁夫不嫁班定遠
投筆無端出玉關人生百年弦上矢萬古何人見青史
曷不閉門弄稚子貧賤同生亦同死

遙送阿循需次河南

棄硯成吾過裁牋憶汝工小時會了了別日太恩恩驛
火三更柝氍毹裘五石弓艸間多竄伏早立健兒功

趙青州鄰家秋蘭盛開小集分韻

西風幾時來落葉已橫路池荷褪殘紅藜蘭發幽素始
知衆香祖曾不感遲暮仙吏八十餘莊州兄看花尙徒步
宦海垂卅年冰心絕纖汚今日歸故鄉持此與花晤倚
樓一詩老久在花南住相邀作小集魚蟹間匏瓠居然

眞率會少長皆得與田家望澤殷頗懷屯膏懼是日天
乍涼甘雨忽如注兩翁意彌鬯歡飲荷神助我亦疲津
梁邱壑抱深悵久無採佩心差免當門妬永從兩翁遊
蘭言定無忤

哭樂三 鈞

青芝舊約又蹉跎曩與君有木
續結鄰之約屈指浮生事事訛標置
略嫌矜氣重清齋其柰艷情何麻衣下地魂猶瘁君持
太夫
人服芳草當門忌本多從此二分圓月夜年年爲爾罷
未除
高歌君以八月十五
日卒於邢上

五老會詩和莊邠州所崔分巡龍見樊總鎮雄楚

龔合州際美趙青州懷玉

五人三百七十歲遠接香山洛下吟吳會風流連晉楚

崔君永濟人樊君襄陽人訟庭日靜卽山林第一集在樊公子常州通判署齋依然

大樹煙雲護各有甘棠歲月深

國慶行開千叟譙佇聽喜起協

虞琴

除夕人定後黃大

應曾

攝屐過訪

絕倒今年改歲圖敝裘都作水中鳬誰知爆竹聲闌後
猶有窮交問有無

崇百藥齋文集第十一

受業王應鈞校字

崇百藥齋文集第十二

陽湖陸繼輅祁孫

餐木集二

吳公子

特徵

城西秋室圖

連天花霧迷春晴璧月自向空中行城西一客捲簾坐
獨聽鶯燕如秋聲少年懷抱憐清放一轉輕雷集羣謗
琴音香韻未應殊斗室依然愜幽曠我住牆東又浹旬
雙扉盡日掩芳塵就君讀畫識君意較勝鄉夢還江村
江村差有朋簪樂長夜遲君共清酌識字羞隨北去鴻
乘軒未是南飛鶴住太無聊去亦疑浮生難遣是相思
不須更寫江潭柳飛絮分明上髭絲

答周表弟

儀暉

次來韻

同攜殘醉住春明
又展瑤牋賦碧城
豔影尙餘鸞鏡在
新聲偏訝玉簫橫
帳紗了了懷人夢
檀板恩恩顧曲名
咫尺湘南舊游地
采旄翠羽逐風輕

喜楊大

士昕

入都卽題其橫琴畫像

玉壺傾已竭客緒
方寄嶽君來如朱霞
流輝盈我衿譚
理未及暢請君調
素琴琴聲復掩抑
抱此秋思深王母
雙蛾眉忽忽飛霜
侵文君髻絲綠蕭
瑟恐未任審音各
有端所嗜異古今
華年不可再鯨響
翔靈禽

烈女篇

烈女羞貽金貞士
惜素絲悲哉蕭太
傳永逝無還期長

繩不繫日庭樹凋春枝成仁諒所安徇名翻見嗤似聞
汲淮陽庭辨直魏其東海正憂旱表墓幸勿遲

待方大

履籤

不至

展簾不成寐方知夏日長鄉音憐乍雨歸思動初涼此
境太岑寂斯人最慨慷一罇重可貰無使怨斜陽

小游仙一首東余十三

鼎

弄鳳呼龍興易闌玉京小住太無端惟餘一片豐城鐵
照我尋秋到廣寒

送蔡七

鑾揚

出守二十韻

孤懷不成默中夜彈鳴琴琴和轉幽咽空谷稀知音自
我交中郎兩心同一心高山亦匪峙流水亦匪沈雙聲

一以合飛集瑤池禽皎皎明月光流輝常滿衿持此方
清臚未間一夕陰君撫連理枝我展合歡衾傾情苦未
暢送遠忽自今豈乏流霞觴別酒無盈斟及茲河梁暮
爲君發高吟高吟復淒斷知我離緒深八閩昔巖疆戈
子時相尋雖傾桑柎材謂李方伯廣芸亦鮮荆棘侵牽率祇成
恨激勸誰當任頻年禮樂司懷抱含悃悃溫柔矧詩教
武健非所欽由來轉移捷易若磁引鍼報最日堪計手
指西山岑藉詞遣愁絕未足稱良箴

南唐宮詞

唱罷檀來唱五來江南舊曲總堪哀不應一炬紅羅壁
便祢新朝散鹿臺

垂簾故事惜家風一曲桑條聽未終豈有瑤池最圓月
秋來翻照景華宮

片語從容譽趙王脫簪入道太蒼黃笑他倚瑟邯鄲道
黃鵠歌殘淚數行

腸斷秋風錦洞天燒槽一夕換朱絃君王絕調哀蟬賦
不破金鈴已可憐

柔儀宮殿月輪孤剗鞞香階事有無絕倒諸臣含諷刺
不容人作小嫔夫

索得娘來事已非三山金鳳篆煙微紅顏果解傾人國
先遣蒼梧怨二妃

君戀餘生妾恨深南來一步一沾衿若教早飲牽機藥

應識宮中殉主心

重繡金字黯消魂可許持花見世尊死死生緣底事

替人惆悵是天孫

後主生死皆七月七日

小樓風雨亂啼聲祇惜芳儀絕塞行一種深閨亡國恨

有人世世懺多情

願兒生生世世不作有情之物吳太子璉妃永興公主語也

過龍泉寺追憶亡友周二主簿並邀劉編修同作

舊遊重到鬢添絲淨域莊嚴異昔時可有佛憐靈運慧
井無鬼唱鮑家詩照人斜日如寒月扶我蒼松少故枝
小話滄桑歸騎晚逃禪真悔十年遲

城南晚歸

訪友城南寺回鞭已夕陽栗香前市火菊影故園霜物

候憐寒近歸心性路長憑誰商去住目送雁雙翔

丁丑下第南歸途中寄懷都門師友

偶作宣南話舊圖傳觀一昔遍

皇都夕陽黃葉江南景中有漁莊住得無

盛博士大士

西鄰風露接東鄰夕夕經過不厭頻長鬢張郎花骨在

被人強喚作詩人

張孝廉琦

早種河陽滿縣花鶯飛燕舞到京華一枝籬落秋霜重

爲我先春護淺芽

魏大令襄

曾唱南宮第一籌十年清冷住瀛洲艷情豪氣都銷盡

君不言愁我已愁

劉編修嗣綰

泥牆新粉見題詩認得汪倫絕妙辭我去君來剛十日

離愁偏是月圓時

汪員外全德

樽前清辨最滔滔射覆藏鈎興亦豪欲倩龍標吟夜飲

霜天遠寄李倉曹

徐監督準宜

莽莽秋雲倚劒來渾渾海水瀉深梧逢君縱有愁千斛
不向人間唱可哀

姚上舍晏

忽忽帆影接鞭絲一角鍾山夕照遲剛欲泊船金釧響

謝家樓閣捲簾時

邵秀才廣銓

郎君十五束吟腰

君尊人以知縣改官都司從軍楚蜀君皆從

醉倚霜旗玩

寶刀我亦一鞭經戰壘媿無賊血在征袍

余秀才鼎

四海同文韻豈殊東京以後古音疎劉郎絕業看成日

銷得吳孃玉腕書

劉禮部逢祿

十年漂泊負矜期此日浮生事可知猶擬用心賢博奕

永和書格建安詩

包孝廉世臣

畫省依然近玉堂詩人例作水曹郎朝來送我桑乾側

別意河流孰短長

程工部川佑

銓光一粟出牆東縱我高譚氣似虹今日已無房杜想

媿將姓氏託文中

儲秀才師溶

九月樽前淚滿衣重窺東閣是耶非雲旗一角湘江影

可趁靈風到

帝畿

李員外肆頌君先人兵備君歿後見夢爲湘江神

相逢俠骨尙崎嶇老驥全灰千里心手解佩刀供一醉

不知熱淚已橫襟

黃布衣虞

家世勛名百戰餘幅巾歸第意何如閒中別有關心事

銀燭親裁薦士書

章佳少保那彥成

西城司寇最憐才虎節應從三晉回

時以治獄山西知
畱權巡撫印務知

我南歸定愁絕九霄秋月逐人來

伊爾根覺羅
侍郎成格

德門桃李護新陰寒竹清臞本費尋此事敢勞公引咎

較量翻覺受恩深

姚侍郎文文田

天人三策重西京有詔傳呼試玉清偏是仙姝薄家學

一牋飛墮董雙成

董戶部基誠

當時年少最工文彭

甘亭沈小苑姚春木

汪竹海總絕

倫此日宏農援故事董

子說方立前方彥聞

後又逢君楊致習士

所

璚樓高處本無寒，攜得瑤籤倚玉欄。
虎觀龍威三萬軸，閒宵都讓一人看。

徐學士題

握節新從萬里回

君恩鄉思兩裴裒，升沈一種難銷遣。
始悟都緣謫降來

願侍讀藹

重歸東觀罷南臺

帝意三長重史才，未礙退之耽雜戲。
碁奩研匣一時開

陳編修用光

清絕詩人董小槎，藥爐茗椀住京華。
秋來夜色長如水

願向閒窗護淺紗

董編修桂敷

優龍劣虎論交早，今見元方憶季方。
鎖院月明蕭寺雨

十年夢影太微茫

金禮部應城兼追悼令弟庶常式玉

名臣言行錄初成便擬前賢畏後生祇覺歸方文筆好

可煩心苦爲分明

完顏中允麟慶

翩翩十五早耽詩辛苦秋鐙索句時毀喜譽憂君記取

由來孤詣少人知

吳上舍特徵

官閣初聞喚小名斜川詩筆已縱橫樽前觸我流年感

不是當時雛鳳聲

萬刑部敬貽

家學義之又獻之綠窗侵曉界烏絲憐君雙腕明如玉

纔挽強弓便賦詩

章佳侍衛容安

美人貽我白玉壺玉光如雪映冰臚此行應獻長楊賦

曾問傳家舊笏無

章佳苑卿容照時扈從木蘭

爲書封事夜焚香額

澤先期及故鄉

聖世達聰誰得似

報聞曾不待斜陽

盛侍御停大時上江南積穀事宜摺子蒙恩報可

新來何計遣蕭晨自向閒齋拂簞塵一曲梁谿歎咽水

畫船剛載合歡人

冀編修鎰

草閒狐兔近何如革面寧煩盡翦除倘讀漢書傾濁酒

一篇先展路溫舒

趙刑部植庭

舊游回首感無端痛飲狂歌氣漸闌偶放行春橋畔艇

耐人惆悵是新寒

丁戶部嘉幹

憶向程門立雪時芙蓉秋水見明姿輸君廿載長安住

不遣清霜上髭絲

呂戶部子班

當階紅藥幾開殘翻向歸人羨冷官他日一麾容乞郡

朝衫畱取綳痕看

李舍人秉灝

此才合遣賦相思客裏頻邀聽小詞遲爾玉梅橋畔路

衝寒同訪最高枝

管孝廉貽菲

天官府第似蓬門愛客私開北海樽窗內鼎彝窗外竹

都分濃翠上眉痕

劉孝廉喜海

南來念汝最心勞憐汝風前儉羽毛我已飄零如斷雁

不堪乳燕又離巢

黃甥昌慈時
需次都下

燕臺回首隔重雲草草離情付夕曛月似眼波山似黛

別來十日始逢君

明姿冠絕鳳城春借得芙蓉寫洛神偏是杜陵吟興減
一庭寒竹見佳人

一簾同聽雨瀟瀟魏紫姚黃艷未銷

戲謂魏會容姚聖常

記取臨

風雙瘦影潘郎秋髻沈郎腰

祇我歸期半月程秋江早掛一帆輕豈知坐盡如年日
千種相思賦不成

西風

秋來日日檢行期去住無端鎮自疑不識西風底心性
南歸北去總橫吹

曉發寄五真

月斜風緊客衾單獨夜方知選夢難君定未眠吾已起

可憐各自耐新寒

行抵江南陳五鑒有詩惜別詩以酬之

盼到揚帆袂易分鄉思未抵別情殷東南地圻隨流水

君將省

墓江夏西北樓高有夕曛山骨也應驚瘦損溪毛空待

薦懷君寢門晝掩秋蕭瑟羨煞諸君賦望雲謂子霄伯謀彥聞諸子

題從子耀適雙白燕堂集

悔將歲月付蹄輪展卷依然夢影真他日倘傳三世集

謂先兄景度先

生及從孫循應一編六經百年身萋萋草色秋將晚耿

耿螢光夜向晨且欲相呼同秉燭九熊晝荻久無人

寄魏大

東髮論交道誼真相期出處作完人傳聞引退心先慰
預蓄春醪浣洛塵

楊七 大壩 吳門寫詩圖 并序

楊子好余詩攜至吳門寓舍手自選錄戴君維昆爲作
此圖

宏農一昔霜風起芙蓉披猖抱香死醉中慟哭西州門

謂蓉裳先生
西河外咎

甥館蕭條見猶子夷陵古道接青天麗句

先傳絳雪篇此日經生作循吏此時書記正翩翩左徒

一去蘭心槁却向江南作秋草

君客洪東湖東湖殁遂
歸吳中吳中人未之奇

也狂塵如霧暗橫塘珠箔沉沉失清曉楊郎閉門日頌

詩此詩幽咽少人知敢望黃金鑄賈佛竟勞萬徧寫韓

碑名士傾城別如雨蘇臺往事邀誰語我亦攜琴訪舊
來青芝山色青無主淩湖且復弄扁舟恨少知音共釣
遊時予將之官平梁他日閒中刪少作人間此卷已長畱

題劉大令璠亦政堂集

宦海相逢眼暫明更繙詩卷見遙情世傳仙籍無凡骨
家近湘壘有繼聲馬後桃花春出塞樓前黃鶴夜吹笙
怪君雙管能齊下纔戲蘭蓂又掣鯨

立春日早起卽事

太守傳呼夜打春春花春勝一番新此時愁煞雙鷓鴣
同我禁寒上畫輪

土牛頭角半青黃聽得歡聲說歲穰我有官田三十畝

種蔬種秫費商量

一宵絲雨峭寒生迎得春歸未放晴却愛閒聽深巷屐
分明此是故鄉聲

亂葉繇枝費剪裁待他春好一徘徊朝來道韞緘書至
謂仲紹報我庭梅半樹開

除日簡劉大令

忠信涉波吾豈敢廿載輕舟恣游覽豈知豪氣亦易除
一渡灤湖破吟膽灤湖水淺三尺強激浪乃欲高於檣
風帆帖水落不得篙師痛哭呼耶孃漫疑懷璧似子羽
雖有墓表慚瀧岡舟中攜先慈年譜百本湖神一笑君好去戲耳
何必神蒼黃到官匝月不敢狂天乃使我逢劉郎劉郎

玉貌兼花骨搏象調鶯一枝筆卽論吏事亦絕人曉治
官書暮通謁我聞君名非一朝君亦愛我忘新交三日

三見仍招邀深譚未覺明星高假我中郎之祕籍

君蓄書甚

富許得借讀

沃我箬下之醇醪邱生急養思捧檄韓侯任俠

占焚巢

君客韓奕山門下士邱琴仙

鄉音傾耳聞吳楚君賞玉笛吾

璫簫羌無一事樂相就怪爾劇縣如閒曹始知麗君世

亦有俗吏瑣屑嗟徒勞東風一夜吹江北手翦疎梅作

除夕黃綢裏印合晏眠轉向飛光惜駒隙門前益多問

字車座上還饒索逋客尙能擺脫來祭詩更挈方干共

瑤席

君有一僕方姓能詩

元日劉大令以盆梅倡和詩見示次韻答之

春酒纔傾北海杯

余以立春日預縣齋公譙

無名小飲借盆梅西洲

有客憐初別

東閣他年憶舊栽守歲小妨仙夢艷

君詩用趙

師雄事

擘牋如帶暗香來兩家共掛蓬萊籍更看名花頃

刻開

謂韓君奕山

新正二日劉大令過訪以碧蘿春試第七泉君言

今日爲吾兩人定交之始不可無詩少選詩至次

韻奉酬

雨中門巷聽輕颺從無聲啁雀譁客至只須符調水

詩成應勝檄催花

時庭梅一株將放

未妨一樹誇香國各有殘

編付選家

君言全集流傳非所敢望但得數十篇互見選本足矣

吳下方言君記

取定交人飲定情茶

吾鄉聘婦饋餅數十器謂之茶定以喻交期非敢爲戲也

春雨劉大令索次韻

春禽十十復五五並坐春枝喚春雨橫空亂飄織女絲
繡出幅幅幽風詩隨州耽吟正多暇冬郎索飲來無時
謂或山我亦宜春誇百福瑤牋一日三番讀雨聲漸急歌
聲高濕雲欲墮梅花梢想見春塍繞城綠麥淺湖平連
水陸來宵遲我賦新晴月痕同刻闌干曲

雪夜小飲韓秀才詩先就劉大令和之創爲六仄
一平體明日韓復成六平一仄一章大令仍次其
韻僕目眩心駭不能繼聲別綴五言二百四十字
戲隔句用韻爲兩詩人行成

湧地驚詞源上天捉酒宿尊前正鯨吞豪端忽龍鬬秦

晉本昏嫺設壺乃致寇

易後說之孤虞氏作後設之壺

此方起異軍彼

已待三覆執銳千矛攢挽強萬弓彀是時天大寒橫空

雪花驟彌覺陣雲昏遑計缺衣漏羊腸叱輕轅虎穴探

初穀奇麗出難難所蓄信殷富雖然有一言幸勿責乖

謬德澤布陽春肅殺恐非侯百斛扛龍文往事鑒絕脰

請爲賦于田將叔慎毋狃鄙人素懷安孔卓實難副大

敵怵當前老謀思善後太邱

方海

走最先隴西

述來歸

不復恤鄰無強援撓敗詎可救偃旗避楚氛攖城安苜

陋與其咄數奔何如邀曲宥左氏失師傳弭兵反遭詬

懷哉魯仲連一語息羣囂鼎足謝三分牛耳勸交觀庶

幾靖烽煙歡然進醇酎急慰梅花魂啼紅濕君袖

辛酉正月偕劉大

嗣緒

洪大

餘孫

宿富莊驛寒夜

被酒戲聯句成六絕題壁上署曰蜀中女子鵲紅
已而傳和遍於京師兩君戒余勿言頃來平梁有
王秀才游以行卷來質則悲鵲紅詩在焉旣爲失
笑而死生今昔之感不能無愴於懷書此寄劉大
都中並邀同作

分明重展退紅牋此事沈吟二十年縱使蘭亭非贋本
也應不是舊嬋娟

洪厓仙去太忽忽流盡湘波恨未終一賦玉樓傳誦徧
不煩人世碧紗籠

依然一葦阻銀河珍重寒宵聽玉珂此日江頭誰濯錦

恐無清淚浣春波

鵲紅詩僅憶年年手濯江邊
錦不發人間拭淚痕二語

題巢湖送別圖爲周大令

鶴立

巢湖清使君煮水日一觥
巢湖淺汲水還爲使君餞
使君飲水耽高吟吟聲不驚湖上禽
湖禽銜石阻君去萬
淚偏從湖上注此時湖水深復深
使君悲淚亦滿襟
官民惜別有如此我爲作歌陳太史
君不見忠毅周公好
孫子

偶感鵲紅舊事有詩寄劉編修並邀劉大令同作
大令詩至復次其韻

淒迷夢影重低徊一寸空餘未死灰
不及佳人名姓好
頽垣着意護殘煤

傳遍城南尺五天譚資留取到今年由來醉語醒難解
莫誤他人作鄭箋

長堤淺草露春痕猶是禁寒酒不溫侵曉十三橋上望
縱無離恨也消魂

草草催粧上畫輪重來誰與話前身劉郎便是桃花影
何必天台問玉人

寄仲綰叔持

離鄉纔一月憶汝已千回鬢覺經秋減衣憐帶病裁忍
寒休玩雪索笑或探梅何日雙雙至全家笑口開

寄前權廬州太守陳丈

其松

三十二韻

峭寒風有影積素天無垠衆中與公別含意何由申憶

我初到官謁公日已昏拜跪夙未習疎野或見瞋平生
所挾持自謂邁等倫至此舉安用顧影彌逡巡何圖手
版入遽聽傳呼頻煌煌燒絳蠟滔滔誦舊文譽我才無
敵惜我遇太屯述造今幾許得毋已等身此時秋士懷
肺腑回陽春頓忘屬吏卑奇氣思一振起敬到臧獲窺
視來衆賓郎君奉嚴命見客顏色真云當介師友未敢
附弟昆暇日叩所習于業亦已勤麗藻追黃初校勘羅
先秦手書相往復夕或不待晨公聞意殊慰諒我交道
敦我雖竊自遠十日九杜門公能適鷗性不欲遽使馴
慮我居室陋不展席與茵慮我食指繁不給米與薪丈
人雖甚厚廉吏亦苦貧大府下急符行期迫初寅將行

復念我畱贈何紛紜管榻完不穿鄴架書可陳物亦何
足道重此情慙慙送公雪盈野公去雪在闔誰識五日
中迴腸轉車輪惟有益勵學庶報知己恩亦期公自愛
福我東南民

新正十九日飲劉大令署叅相約輟吟

一樽且復聽鳴禽待理官書罷苦吟小別早知詩有識

海樹近有小別迴腸之句相思暫比月西沈孤心入世憐羈宦束髮

論交幾賞音未必冬郎禁忍俊背人惆悵賦春陰

謂奕山

題徐秀才

漢蒼

詩卷

一月平梁白髮侵天畱昌穀其高吟不知此日淩湖水
持較春愁孰淺深

絕憶詩人趙倚樓席珍城南一醉典征裘徐郎解識離

鄉苦只放輕帆到潤州

秦淮煙景最魂銷回首游蹤付暮潮一樣閒情拋未得

鶯花三月夢南朝卷中

花影

青溪花影記來真二十年華二月春我未成名卿未嫁

此時底事不如人

楊甥

方訓

賦春寒甚工韓秀才劉大令孫博士得

偉

暨惲甥

彙昌

並有和作感事懷人亦成一律

何心料理到春旛雨是三番雪兩番河北役徒思挾纊

時河決豫中大工未蕆

江南朋舊正開樽迎風鈴鐸人初去飭文方自

懷遠赴西安臥病房櫳語不溫彭城君抱病已三十餘日今夜小庭應有月更無清興啟重門

聞查大令揆將至詩以待之即題其菽原堂集

春萍蹤蹟太差池得見翻嫌一日遲何處空山招隱士

尙憐下藥負良醫君詩有縣令良醫之喻愁生枚叔觀潮句淚染

江淹賦別辭地是舊遊人舊侶謂湖上紀游詩及卷中贈答諸子可堪

重憶少年時

得薛司馬玉堂書

善謔還如昨書來笑絕纓中含知己淚何止故人情賦

轍飄蓬久祝氏兄弟應劉宿草橫皋文申江泊舟處隱隱夜

潮生

寄李鳳臺

兆洛

冷官情緒報君知，但得安貧事事宜。半畝鶯花堪入畫，

一家婦女盡能詩。狂奴賭酒豪無敵，

謂查梅陽韓奕山諸君

良友

分金餽有辭，

謂劉大令

他日珠江遊興倦，卸帆莫忘隔年期。

時君有粵東之游約明年返權迂道過訪

謁包孝肅祠

地名香花墩故公讀書處

雜花淺草城南路，名宦鄉賢共一祠。

公嘗由揚州遷領鄉郡

赤棒

威名京尹重烏臺，逸事野人知此墩。介甫無爭意，遺像

方平有去思。

祠中藏公畫像

我是五湖煙水客，釣竿可許試春

池。

祠前有池產鰮尤美非包姓不得漁

詠菜花

漫從老圃認秋容拾翠年光見幾叢負郭草田時斷續
踏春煙雨乍冥濛儘容照水簪蓬鬢可許移根傍綺櫳
一角斜陽橫絕艷也應攜酒喚鄰翁

附同作

查揆梅史

麴塵如雨雨如絲春在休疑造物私未免嫌餘金粉
氣儘能看到子孫時參差燕麥東西隴點綴鵝桃三
兩枝草草便關飢饉事行田曾否長官知

劉珊海樹

桔槔低壓小桃紅半畝香霏板屋東近郭偶摹金碧
畫開門儘受麴塵風田家富貴藩籬外閒日雞豚醉
飽中記取他年齧根處煙簑雨笠幾人同

惲彙昌子駢

社公雨過綠陰深方罍疎籬愜素襟挑處乍疑金布
地開殘未傍玉爲簪一畦名士思鄉淚半畝英雄養
晦心差喜年豐無此色儘容抱甕發高吟

楊方訓子燾

踏青挑菜惜年芳幾處深黃閒淺黃十晦晴雲先麥
秀半籬疎雨似秋涼瓦盆客至傾新釀廢寺僧歸倚
夕陽且與何曾同一飽未須蔬腹蹴羣羊

董博士

桂洲

寄示哭婦詞索題其後

手界烏絲賦悼亡拍名翻按賀新郎乍飄翠袖風搖竹
待挽香羅簾竟牀此地由來飛孔雀

時官廬江

一官聊與奠

瑤觴君家慣作神仙壻山抹微雲又擅塲

七夕次錢太守

有序韻

終古星期好會頻依然雲影艷於春不知今夕真何夕
見此良人是故人上界津梁仙路近小侯恩澤壻鄉親
曉來驗取牽牛放籬落偏畱別恨新

平梁歲晚寄懷鄉里之作

冥濛曉色似昏黃尺五濃雲壓草堂料是江南先得雪
味辛齋內正燒羊

趙青州丈

南園西閣最魂消詞亦如人絕世嬌莫笑長卿徒四壁

一枝猶挂小紅簫

南園西閣錢
浣人詞中語

家傍雲溪雲水涼分明畫館似甌香新來隱隱眉間氣

染出寒梅一樹黃

憚潔士時詔開特科
里人議以君名應召

詞源橫決浙江潮五十才人氣尚豪潑水新寒鑪火爇

且教呵手待揮毫

視彼山

何曾天上玉樓成

秋間誤傳東坡海外之信

淚尚沾衣笑絕纓畢竟

人生生別好不妨音信斷遼城

丁若士時久不得書

仙才逸韻滿長安蓉影詞成萬口傳此夜鄉心畱不住

雲灣雙舫孝廉船

管樹荃方彥聞

昨得劉郎十幅牋一牋一字思纏綿不知半壁梁溪月

可有金波濕水田

得鐵文宿州書

無端竊藥得長生碧海青天悔此行一夜寒風吹素褶

更無人聽步虛聲

獨將家法守歸方傳何因到二王
晦生楊甫笑我與公同

燕雁公方歸隱我辭鄉秦小峴少寇

宣南吟社冠當時往在都門與君及兩蔡兩許兩汪朱篁兩楊湘帆戴春溪姜聽珂諸君譙

集甚盛一語都成別後思自到巢湖秋太冷經年未報送

行詩卜雅堂太守

羊肉千斤酒百壺將軍愛客正圍鑪因君別憶陳驚座

光雲蜚雨蠻煙一雁無張麗坡都尉

莎廳咫尺謝孃居見說新秋送鈿車妾自織雲郎繡虎

莫將縑素比何如聞王茂園通守新昏織雲其姬人字

屈指江鄉七子才里中少年吳嘉之趙芸友周叔澄汪逸雲莊梅叔湯子欽家姪容卿結社

賦詩時稱詩名一昔走春雷翻愁五鳳樓成日壓倒難

小七子

兄百寶臺

叔澄伯
恬弟也

隱隱文窗見碧綃闌千百曲柳千條岑參兄弟應官去

謂盛芝
菴五洲

閒殺當時萬里橋

生平游蹟喜荒涼洗研池頭木葉黃

坡公洗研池在東門外

不柰

年來成腹痛故人門巷正斜陽

追悼張存樸布衣黃璞山進士及徐性甫侍御

道南郡丞皆
居東門外

孤墳三尺暮雲高

莊心厓先生葬小北門外

畱與他年禁採樵不及

錢塘蘇小墓一春梧酒有人澆

憶向蘆灣賦采菱

嘗偕君及洪稚存丈蘆墅采菱陳淶晴爲作圖

重看此景畫

中曾夜來夢踏溪頭月親見招提塔七層

趙岷山

宛從香海繫輕舟萬樹梅花擁小樓問訊京江狂道士

一春艷福幾生修

流悟道人

若昭已嫁若憲悲布衣草草自量裁小園雪後溪橋滑

誰更禁寒探早梅

從孫文仲
紹叔持

丙舍歸時逼歲迺霜楓點點污氈裘曉來雪霽簷花落

都與孤兒作淚流

魏曾容培
之兄弟

膾殘入牒未應遲更有桑羊雪作脂寄語中丞同一笑

成果亭撫部過聽吾鄉神僊館烹飪之佳
持節浙中時未及一餐而去深以爲悵

朝餐仍到夕

陽時

館中布數十席到稍遲輒
無坐處往往待至日晡

當時陸鴨本可愧此日湯羊又失傳

段雞陸鴨湯羊肉
蔣腐程蹄盛夾茄

當時里
中語

淒絕故家喬木影買絲除繡小平原

青州好客
公子子光

設服精膳
甲于郡中

一語南華記未真讀書幾輩誤因循天畱二子江鄉住

差與清河

先生

作替人

莊卿細願蘭厓

徐庾文章久絕倫近來詩律比黃門

春初讀近作絕似陳忠裕

麻衣

如雪秦關道獨客應無未斷魂

蔣小松

夢影分明見素冠湘波湘月不勝寒去年吳苑瀟瀟雨

猶作尋常客緒看

楊伯厚

未須慟哭驚姚最那以行吟詈左徒拚作天涯雙斷雁

不知各有稻梁無

六姊書來云將就養歸安尉署

坊名豐樂記蕭梁比屋吟聲徹短牆此地社公應飽死

家家來賽束脩羊

洪子餘張雨棠董晉卿史子春

梁松父友我何辭僚壻呼君恐未宜底日三河閒放艇

黃橙紫蟹訴相思

李英望

家住前溪灣復灣溪邊看黛鏡中山山容只有詩能寫
可惜燕臺句又刪

南臺東觀總知名封事傳來比鳳鳴切莫一麾輕乞郡

且畱清夢住瑤京

龔聲甫時乞假歸省

自向齊紈圖齒齧

家荔生

閒繙唐韻賦鴛鴦

崔仲遷

憐君正

領閒居樂先我恩恩換急裝

漫擬吾家羈宦辭南飛三鳥愴離思病餘那有江郎管

只譜鄉音入竹枝

補作一首

行吟偶借曲闌扶絕妙花陰耄耄圖笑我閒愁拋不盡

亂分鄉思到狸奴

十二月望夜雪月清絕示兩女

此夜明如許重圓歲又更影連殘雪滿寒入敝裘輕寄
蹟忽疑夢舊疴欣已平聊吟玉溪句我亦舉家清
作客未須怨離家歲事稀粥香梁竈火絮點謝庭衣地
僻黃昏早春歸綠鬢非汝曹催我老清影自依依

崇百藥齋文集第十二

受業王應銘校字